

影印

文淵閣四庫全書

第一〇九九冊

北京出版集團公司
北京出版社

本冊目次

宛陵
附 拾
忠肅
無爲

集錄遺集集

宋	宋	宋
梅堯臣撰	劉摯撰	楊傑撰
……	……	……
一	四四三	六七九

欽定四庫全書

集部
宛陵集
目錄
卷二

詳校官庶吉士 臣張洵
檢討臣何思鈞覆勘

覆校官博士 臣劉光第
校對官主簿 臣汪日贊
謄錄舉人 臣曹夢齡

欽定四庫全書

集部三

宛陵集目錄

別集類二宋

卷一

西京詩五十六首

卷二

西京詩五十首

卷三

西京詩六十一首

欽定四庫全書

宛陵集
目錄

卷四

池州後詩五十八首

卷五

池州後詩上二十八首

池州後詩下三十三首

卷六

池州後詩三十七首

汝州後詩十一首

卷七

汝州後詩五十一首

卷八

汝州後詩四十三首

湖州後詩六首

卷九

湖州後詩四十六首

卷十

湖州後詩六十五首

卷十一

湖州後詩五十九首

卷十二

詩六十三首

卷十三

詩二十九首

卷十四

欽定四庫全書

宛陵集
目錄

二

詩十六首

卷十五

詩四十六首

卷十六

詩四十四首

卷十七

詩六十四首

卷十八

詩四十六首

卷十九

詩三十五首

卷二十

詩五十二首

卷二十一

詩四十四首

卷二十二

欽定四庫全書

宛陵集
目錄

三

詩四十三首

卷二十三

詩四十二首

卷二十四

詩五十九首

卷二十五

詩四十四首

卷二十六

欽定四庫全書

宛陵集
目錄

四

詩四十七首

卷二十七

詩四十四首

卷二十八

詩五十八首

卷二十九

詩五十首

卷三十

詩五十六首

卷三十一

詩五十七首

附記一首賦一首

卷三十二

詩六十一首

卷三十三

詩五十四首

卷三十四

欽定四庫全書

宛陵集
目錄

五

詩六十四首

卷三十五

詩三十七首

卷三十六

詩五十二首

卷三十七

詩六十首

卷三十八

詩四十七首

卷三十九

詩二十七首

卷四十

詩四十五首

卷四十一

詩四十首

卷四十二

欽定四庫全書

宛陵集
目錄

六

詩三十八首

卷四十三

詩六十三首

卷四十四

詩三十八首

卷四十五

詩三十七首

卷四十六

詩三十二首

卷四十七

詩五十二首

卷四十八

詩四十二首

卷四十九

詩二十八首

卷五十

欽定四庫全書

宛陵集
目錄

七

詩二十九首

卷五十一

詩五十首

卷五十二

詩三十七首

卷五十三

詩三十二首

卷五十四

詩三十三首

卷五十五

詩三十四首

卷五十六

詩二十九首

卷五十七

詩三十首

卷五十八

欽定四庫全書

宛陵集
目錄

詩三十四首

卷五十九

詩三十四首

卷六十

記一首

序一首

賦十九首

臣等謹案宛陵集六十卷附錄一卷宋梅堯

臣撰堯臣字聖俞宣城人官屯田都官員外

郎其詩初為謝景初所輯僅十卷歐陽修得

其遺藁增併之亦止十五卷其增至五十九

卷又他文賦一卷未詳何人所編陳振孫謂

即景初舊本修為作序者殆未詳考修序文

耳通考載正集六十卷外有外集十卷此為

明姜竒芳所刊卷數與通考合惟無外集祇

有補遺三篇及贈答詩文墓誌一卷亦不知

欽定四庫全書

宛陵集
目錄

九

何人所附陳振孫謂外集多與正集複出或

後人刪汰重複故所錄者止此耶宋初詩文

尚沿唐末五代之習柳開穆修欲變文體王

禹偁欲變詩體皆力有未逮歐陽修崛起為

雄力復古格其時曾鞏蘇軾蘇轍陳師道黃

庭堅等皆尚未顯其佐修以變文體者尹洙

佐修以變詩體者則堯臣也其詩旨趣古淡

惟修深賞之邵博聞見後錄載傳聞之說謂

修忌堯臣出已上每商推其詩多故刪其最

佳者其誕妄甚矣乾隆四十一年十二月恭

校上

總纂官臣紀昀臣陸錫熊臣孫毓汶

總校官臣陸費墀

欽定四庫全書

宛陵集

十

原序

予聞世謂詩人少達而多窮夫豈然哉蓋世所傳詩者多出於古窮人之辭也凡士之蘊其所有而不得施於世者多喜自放於山巔水涯之外見蟲魚草木風雲鳥獸之狀類往往探其奇怪內有憂思感憤之鬱積其興於怨刺以道羈臣寡婦之所歎而寫人情之難言蓋愈窮則愈工然則非詩之能窮人殆窮者而後工也予友梅聖俞少以廕補為吏累舉進士抑於有司困於州縣

欽定四庫全書

宛陵集

凡十餘年年今五十猶從辟書為人之佐鬱其所畜不得奮見於事業其家宛陵幼習於詩自為童子出語已驚其長老既長學乎六經仁義之說其為文章簡古純粹不求苟合於世世之人徒知其詩而已然時無賢愚語詩者必求之聖俞聖俞亦自以其不得志者樂於詩而發之故其平生所作於詩尤多世既知之矣而未有薦於上者昔王文康公嘗見而歎曰二百年無此作矣雖知之深亦不果薦也若使其幸得用於朝廷作為雅

頌以詠歌大宋之功德薦之清廟而追商周魯頌之作
者豈不偉歟奈何使其老不得志而爲窮者之詩廼徒
發於蟲魚物類羈愁感歎之言世徒喜其工不知其窮
之久而將老也可不惜哉聖俞詩既多不自收拾其妻
之兄子謝景初懼其多而易失也取其自洛陽至於吳
興以來所作次爲六十卷予嘗嗜聖俞詩而患不能盡
得之遽喜謝氏之能次也輒序而藏之慶厯六年三月
右正言知制誥知滁州事歐陽修序

欽定四庫全書

宛陵集
序

欽定四庫全書

宛陵集卷一

宋 梅堯臣 撰

和謝希深會聖宮

三后威靈遠層巒棟宇興衣冠漢原廟歌舞魏西陵日
月融光盛山河王氣增叢楹琢文石連網絡朱繩碧瓦
寒鋪玉重欄瑩鏤氷粹儀神霧擁法衣繡龍升星斗羅
容衛軒墀侍股肱宸蹤耀璇璫瑞羽集觚稜闕殿深珠
箔雕垣界綺縢望從綏嶺咽雲倚帝鄉凝龜組恭來詣

欽定四庫全書

宛陵集
卷一

貂璫肅奉承欲知歸厚意孝德自烝烝

右丞相公自洛移鎮河陽

侯服齊三輔天臺聳百僚新章刻銅虎舊德冠金貂已
作歌襦化方期執玉朝雙韃辭洛宅千騎向河橋鼓角
春城暮鶯花故苑遙瓜亭猶接畛棠茇自敷條夾道都
人擁迎風駟牡驕莫隨文學乘空望旆旌飄

上巳日午橋石瀨中得雙鰕魚

脩袂洛之濱湍流得素鱗多慙折腰吏來作食魚人水

髮黏膏綠溪毛映渚春風沙暫時遠紫線憶江蓴

寒食前一日陪希深遊大字院

一百五將近千門煙火微開過少傳宅喜見老萊衣晚
雨竹間霽春禽花上飛禪庭清溜滿幽興自忘歸

遊龍門自潛溪過寶應精舍

遙愛夏景佳行行清興屬安知轉迴溪始覺來平谷古
殿藏竹間香菴遍巖曲雲霞弄霽暉草樹含新綠時鳥
自繇蠻山花競紛縵莫言歸路賒明月還相續

欽定四庫全書

卷一

二

依韻和希深遊大字院

白傳
舊宅

夫君康樂裔顧我子真派湛然懷清機超爾尋虛界暫
來香園中共憩寒松大先生醉復吟長老言不壞信與
賞心符寧同俗士愛杖屨恣遊遨池塘仍感慨焚香露
蓮泣聞磬霜鷗邁青板今已空濁醪誰許載軟草當熊
綈低簷挂纓帶不覺月明歸候門僮僕怪

傷白雞

我庭有素雞翎羽白如脂日所慮狂犬未嘗憂孽狸

棲向檐隙朝啄循階基每先鳥鳴不失風雨時雖吾

困廩薄尚汝稻梁遺昨宵天氣黑陰物恣所窺潛來銜
搏去但覺聲音悲開門俾馳救已過牆東陞呵叱不敢
食奪然留在茲湧血被其頸噉呷氣甚危皓臆變丹赤
霜翅兩離披憫心欲之活碎腦安能治委瘞從爾命孰
忍薑桂爲猶看零落毛蕩漾隨風吹念始託茲地蒙幸
信可知充庖豈云患度日無苦飢如何遇凶獸毒汝曾
不疑斯事義雖小得以深理推鄧生賜山鑄未免終餒
而人道尚乃爾愴焉聊俛眉

欽定四庫全書

卷一

三

尹師魯治第伐樗

伊人利營構思欲新其居匠築經舊址檐楹礪高樗且
云忍不伐何以成吾廬人言此樹古百怪所憑依獨秉
一定議自將群俗違乃俾執柯者丁丁霜刃揮殲殞條
百尺橫仆株數圍從茲朝夕間不聞鳥雀喧既能考子
室而復高其門周也昔駢辯得以不材論工今誠匪度
苟害安可存舟楫且非藉薪爨聊用燔莫比溝中斷區

區望犧樽

尹陽尉耿傳惠新栗

金行氣已勁霜實縣林梢尺素走下隸一奩來遠郊中
黃比玉質外刺同芡苞野人寒齋會山爐夜火炮柴慚
小兒嗜茗憶廳官拋此馬真可貺遽爾及衡茅

和楊子聰會董尉家

董生方好雅茲日為埽扉森爾延嘉賓歡然去塵機有
客振雙袂敢言陽春暉聊停玉麈尾為歌金縷衣古辭
欽定四庫全書
宛陵集
卷一
四
何稠疊無乃惜芳非三閭不舖糟二子自採薇雖留千
載清未免當時飢吾愛曹公詩古來不敢非人生若朝
露捨醉當何歸四座驚此語未厭翠觴飛胡能後天地
何可恃輕肥沉酣且長詠白首空歔歔

嶺雲

片雨過青天山雲歸絕嶺林際隱微虹溪中落行影還
省隴首飛復愛山間靜

垂澗藤

寒松偃澗濱弱蔓垂纓綠波縈翠帶長水濺低花發終
日採蘋人攀條映巖曲

林翠

鬱鬱長條抽林間翠堪翦背嶺山氣濃幽人趣不淺

舟中遇雪

曉風鳴大澤春雪下長河沙草綠堤沒楊花拂水多驚
鷗不知遠候鴈幾聞過欲問邪溪轉今朝奈與何

田家
四時

欽定四庫全書

宛陵集
卷一

五

昨夜春雷作荷鋤理南陂杏花將及候農事不可遲蠶
女亦自念牧童仍我隨田中逢老父荷杖獨熙熙
草木遶籬盛田園向郭斜去鋤南山豆歸灌東園瓜白
水照茅屋清風生稻花前陂日已晚聒聒競鳴蛙
荒邨人自樂頗足平生心朝飯露葵熟夜春雲谷深採
山持野斧射鳥入煙林誰見秋成事哀蟬復怨碓
今朝田事畢野老立門前拊頸望飛鳥負暄話餘年自
從備丁壯及此常苦煎卒歲豈堪念鷄衣者更穿

塗中遇雪寄希深

方爲郡邑吏日與故人違極目千山碧馳心一鳥飛岸
傍邛杳杳波上雪霏霏欲寄洛陽信汴流行客稀

妾薄命

昔是波底沙今爲陌上塵曾聞清冷混金屑誰謂飄揚
逐路人悠悠萬物難自保朝有穠華暮衰老須知鉛黛
不足論何必芳心競春草草有再三榮顏無一定好曩
恩寧重持徒能亂懷抱

欽定四庫全書

宛陵集
卷一

六

秋日同希深昆仲遊龍門香山晚泛伊川觴詠
久之席上各賦古詩以極一時之娛

落日川上好徘徊弄孤舟鳴榔進山口清唱發渡頭淺
瀨不可泝停橈信中流山樽對蒼翠溪鳥自沉浮濯足
破嵐影采淩臨芳洲千龕晚煙寂雙壁紅樹秋細細石
間泉搖搖波際樓澄潭若瀉鑑萬象已盈眸康樂足清
尚惠連仍此遊摘景固無遺揮筆曾未休醉來同淵明
興盡殊子猷歸傍漁梁靜行看夜火幽露華初滴滴夜

吹何颼颼不犯嚴城漏誰言憐近邸

依韻和希深雨後見過小池

碧池新雨後清興一何賒有客過顏巷無貧似阮家白
醪聊泛蟻黃菊未開花既至休辭醉君其奈歲華

依韻和子聰夜雨

窗頭光更迴宿霧晦層檐寒氣微生席輕風欲度簾濕
螢依草沒暗溜想池添況值相如渴無嫌魯酒甜

和趙員外良佐趙韓王故宅

欽定四庫全書

宛陵集
卷一

七

開國勲庸大重城邸第寬枯楊映樓角蔓草被牆端不
見分香妾空餘闌鴨闌誰來悲孔雀金翠羽毛殘

春日遊龍門山寺

還邀二三子共到鑿龍遊陰壑泉初動春巖氣欲浮竹
藏深崦寺人渡晚川舟始覺山風急歸鞍不自留

依韻和希深遊府學

東府尊儒日中州進學初牲牢奠商後典籍講秦餘大
法存無外群英樂自如時慙遊聖末來駕折轅車

傷桑

柔條初變綠春野忽飛霜田婦搔蓬首水蠶絕繭腸名
輩依麥雖戴勝繞枝翔不見羅敷騎金鈎自挂牆

觀理稼

稂莠日已長恩恩艾薙初來時露霑屨歸去月侵鉏一
腹餒猶甚百骸勤有餘吾無力畊苦謬讀古人書

新繭

露柘林初靜煙梯不復收春蠶吐絲足工女忌寒休翠

欽定四庫全書

宛陵集
卷一

薄時方獻清泉緒未抽閨中能自巧繡作玉釵頭

依韻和希深遊樂園懷主人登封令

竹映紅蕖水榭開門閒乳雀下青苔伊人何戀五斗粟
不作淵明歸去來

錦竹

此草也似
竹而斑

雖作湘竹紋還非楚筠質化龍徒有期待鳳曾無實本

與凡草俱偶親君子室

廢井

湮廢不知年石欄蒼蘚澀渴心空自煩長綆曾誰汲無
復語滄波坎蛙奚所及

茶竈

山寺碧溪頭幽人綠巖畔夜火竹聲乾春甌茗花亂茲
無雅趣兼薪桂煩然爨

緱山子晉祠

以下陪太尉錢相
公遊嵩山七章

王子居玉京故山空寂寞猶聞邈月笙尚想賓天鶴翠
柏深古壇丹霞留迴壑芝庭誰欸扉旌旗穿林薄

欽定四庫全書

宛陵集
卷一

少林寺

紅旌過翠岑林際瞻蓮宇門對幾千巖花開第一祖禪
庭松色寒石室苔痕古寂寂不逢人空檐燕方乳

少姨廟

靈祠古殿深少室群峰碧行雨欲隨車望巖非化石常
聞蘭氣蒸誰奠椒香液寄謝洛川妃凌波定何益

天封觀

車馬雲外來衣霑半山雨弭節叩真居捫蘿笑塵垢迴

溪響石叢靈姑抽巖塢玉檻刻年華應無媿前古殿檻石柱
上有唐樊宗師石鴻韓退之廬全題名在焉今亦刻名於此

會善寺

香謁隨龍節紫紆歷寶山琉璃開淨界薜荔啟禪關煮茗石泉上清吟雲壑間峰端生片雨稍促畫輪還

啟母石

曠哉高室陽神怪所棲宅蒼石不知年靈熊去無迹煙巖想桂宮苔壁疑椒掖不學舜娥悲瀟湘竹枝碧

欽定四庫全書

宛陵集卷一

十

輟轅道

險絕稱漢關晨躋瞻一室盤紆石路迴迤邐雲峰出古壁挂青蒼天風起蕭瑟洛城西首時望望平煙密

中伏日陪二通判妙覺寺避暑

時有僧鼓琴於座上

紺宇迎涼日方牀御綬衣清談停玉麈雅曲弄金徽高樹秋聲早長廊暑氣微不須河朔飲煮茗自忘歸

元政上人遊終南

雄節居杜陵南山常在目今茲美行遊因以謝巖谷環

錫恣探勝搜棊方踐陸五門嵐翠橫人水秋陰覆雲峰多隱見林嶺乍回復若見採芝人余非戀微祿

寄河陽僉判富彥國

籍籍名方遠人知第一流翻同貴公子來事外諸侯地險長河急天高畫角秋仲宣應自樂寧復賦登樓

河南受代前一日希深示詩

我昔在桐鄉伊人頗欣戴今來佐洛南事事爲時背自媿居下流無能謝前輩固乏橫草功當蒙及瓜代且遺

欽定四庫全書

宛陵集卷一

十

牒訴還何用吏民愛洗眼看舊書怡然忘宇內

秋雨

雨後秋氣早涼歸室廬清既推蚊蠅勢任壯蛩蟬聲石榴墜枝熟蒼蘚緣階生閉門且高卧畏肉泥塗行

白雲和子聰

長憶江海間龍鳴向寒水藹藹蒼渚空悠悠白雲起是時在漁舟放溜看未已今來居洛陽埃壘生蹄軌美君
茲日心悵悵聊徙倚

同尹子漸王幾道訪郭三別墅不遇

秋野已澄曠偶來幽興多
茨居隔寒水柴戶蔭喬柯
竹曾留鳳攜朋不爲鶩人歸
碧苔徑應識履痕過

水荇

灼灼有芳豔本生江漢濱
臨風輕笑久隔浦澹妝新
白鷺煙中客紅蕖水上鄰
無香結珠穗秋露浥羅巾

黃河

積石導淵源云云瀉崑閬龍門自吞險
鯨海終涵量怒

欽定四庫全書

宛陵集
卷一

十三

狀生萬渦驚流非一狀淺深殊可測
激射無時壯常苦
事隄防何曾息波浪川氣迷遠山
沙痕落秋漲槎沫夜
浮光舟人朝發唱洪梁畫鷁連古戍
蒼崖向浴鳥不知
清夕陽空在望誰當大雪天走馬堅冰上

王氏昆仲歸寧

昨夜雪霏霏染山吟未歸
關河誰道遠鴻鴈自相依
落日人煙少寒雲驛路微
共將彭澤酒稱壽向庭闈

予聰惠書備言行路及遊王屋物趣因以答

自我河橋來清話殊未已
亟言閱通疇晨駕遂遵彼尺

書忽見遺經由皆可紀
草草始辭家恩恩渡河水前邨
客心速入暮陰風起脩路隘
且長疲驂未能止茅居聒
夜春寒犬吠墟里明發西北行
岡巒踰迤邐叢莽但蒙
密未見山中美谷開逢邑閭
豈謂連都鄙冠帶一二同
腐麋左右比問予奚所之
俛眉聊啟齒暫往登天壇煙
雲隨步趾傍臨日觀低却望
嵩邱邇肩肩視塵埃紛紛
若螻蟻便有林壑心期將榮
宦委我昔愛青蒼無時常

欽定四庫全書

宛陵集
卷一

十三

徙倚今朝羨君遊勝事空聳企
徒嗟黃綬身莫接青霞
軌安得憑羽翰幽懷寄如此

環州通判張殿丞九

欲向蕭關外窮陰雪暗沙磧寒
鴻鴈少冰合水泉賒自
有從軍樂應無去國嗟
春風曾不到吹角寄梅花

張太素之邠幕

應幕向幽邠晨裝辭邠鄆
長亭欲少留飛鵠初成曲
魯酒上離筵行塵生驥足
悠悠關戍遙黯黯煙雲屬塞邑

多苦寒國風遺舊俗寄音文譙餘草待霜條綠

孫屯田召爲御史

薦牘交車府恩書下建章輕軒辭瑞翟危弁學神羊祖
酌方滋桂行威欲犯霜鳳毛仍襲慶雞舌更含香氣鬱
翔龍闕風清振鷺行今朝洛民思東陌盛壺漿

與諸友普明院亭納涼分題

岸憤清涼地翛然樂未窮竹陰過晚雨林表見殘虹花
影平波上經聲小鵲東還思醉吟者寧與此時同

欽定四庫全書

宛陵集
卷一

五

梅花

似畏群芳妒先春發故林曾無鶯蝶戀空被雪霜侵不
道東風遠應悲上苑深南枝已零落羌笛寄餘音

依韻和希深立春後祀風伯雨師畢過午橋莊

青郊誰駐馬謝客思池塘野水微波綠江梅嫩蕊黃初
從暮風雨遂此樂壺觴已愛幽禽語園林即日芳

尹子漸歸華座伏苓若人形者賦以贈行

因歸話伏苓久著桐君籍成形得人物具體存標格神

岳畜粹和寒松化膏液外凝石稜戩內縕瓊腴白千載
忽旦暮一朝成琥珀既瑩毫芒分不與蚊蚋隔拾芥曾
未難為器期增飾至珍行處稀美價定多益

初見杏花

不待春風遍煙林獨早開淺紅欺醉粉肯信有江梅

欽定四庫全書

宛陵集
卷一

五

宛陵集卷一

欽定四庫全書

宛陵集卷二

宋 梅堯臣 撰

依韻和載陽登廣福寺閣

過聞聯騎出登覽思逾清曉漲林煙重春歸野水平始
看仙杏發已愛袂衣輕誰見吟餘處殘陽上古城

依韻和歐陽永叔同遊近郊

洛水橋邊春已迴柳條蔥蒨眼初開無人拾翠過幽渚
有客尋芳上古臺林邃珍禽時一轉酒酣紅日未西頽

欽定四庫全書

宛陵集
卷二

知君最是憐風物更約偷閑取次來

依韻和永叔同遊上林院後亭見櫻桃花悉已

披謝

去年君到見春遲今日尋芳是夙期祗道朱櫻纔美蕊
及來幽圃已殘枝飄英尚有遊蜂戀著子唯應谷鳥知
把酒聊能慰餘景乘歡不厭夕陽時

依韻和王幾道塗次杏花有感

馬上逢丹杏芳條拂眼過可憐荒徑少不道故園多豔

萼黏紅蠟仙葩縹薄羅客心知易感路遠奈愁何

遊園晚歸馬上希深命賦

興盡夕陽天言歸躍杏鶯新陰六街樹遠目萬家煙歌
咽樓千尺吟餘月一弦花間有遊妓醉去墮金鈿

留題希深美擅亭

幽深有佳趣曾不減林泉衆綠經新雨殘紅墮夕煙栽
萱北堂近夢草故池連乘月時來往清歌思浩然

留守相公新剏雙桂樓

欽定四庫全書

宛陵集
卷二

藻棟起霄間芳條俯可攀晚雲談次改高鳥坐中還日
映城邊樹虹明雨外山唯應謝池月來照衮衣間

和希深避暑香山寺

有客乘新霽雲林共扣肩輕舟過下渡遠水漲前汀原
隰含幽藹岑嵐入杳冥誰知得深趣履齒石苔青

和希深晚泛伊川

放溜下平波舟移不知遠稍回溪口風恣愛雲中獻水
鳥靜相依蘆洲藹將晚歸路莫言賒何妨乘月返